



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 01-2493-1/25
Sarajevo, 14.05.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 21-05-2025			
Org. jed.	Broj	Priloga	Vrijednost
05/2	- 02 -	148	25

Bosna i Hercegovina
Federacija Bosne i Hercegovine
Parlament Federacije
Dom naroda
n/p Sekretar Doma naroda

Predmet: Dostava informacija

Veza: Vaš akt br. 05/2-02-148/25 od 24.04.2025. godine

Poštovani,

Vezano za akt broj: 05/2-02-148/25 od 24.04.2025. godine kojim tražite da dostavimo podatke o visini mjesečnih naknada za rad članova Upravnog odbora Agencije za bankarstvo Federacije Bosne i Hercegovine (dalje u tekstu: Upravni odbor i Agencija) koji su imenovani prema odluci objavljenoj u „Službenim novinama Federacije BiH“, broj 12/17 i prema odluci objavljenoj u „Službenim novinama Federacije BiH“, broj 62/22, informišemo kako slijedi:

U skladu sa Odlukom Parlamenta Federacije Bosne i Hercegovine, PF broj 01,02-02-1773/16 od 02.02.2017. godine za članove Upravnog odbora Agencije imenovani su: Ljerka Marić, Samir Bakić, Meliha Bašić, Velid Efendić i Želimira Raspudić na mandatni period od 5 godina. Dana dana 29.06.2017.godine, Želimiri Raspudić je prestao mandat u Upravnom odboru Agencije usljed imenovanja na drugu funkciju, dok je Velidu Efendiću mandat prestao dana 14.02.2021.godine, zbog smrti.

U skladu sa članom 13. tada važećeg Zakona o Agenciji za bankarstvo Federacije Bosne i Hercegovine („Službene novine Federacije BiH“, br. 9/96, 27/98, 20/00, 45/00, 58/02, 13/03, 19/03, 47/06, 59/06, 48/08, 34/12 i 77/12), a u vezi sa članom 7. stav (1) Zakona o plaćama i drugim materijalnim pravima članova organa upravljanja institucija Federacije Bosne i Hercegovine i javnih preduzeća u većinskom vlasništvu Federacije Bosne i Hercegovine („Službene novine Federacije BiH“, broj 12/09), predsjedniku i članovima Upravnog odbora tokom trajanja mandata isplaćivana je naknada za rad u skladu s navedenim propisima, i to: predsjedniku Upravnog odbora u visini dvije prosječne neto plaće isplaćene u Federaciji BiH u prethodna tri mjeseca, prema posljednjem objavljenom podatku Federalnog zavoda za statistiku, a članovima Upravnog odbora u visini od 80% od iznosa naknade predsjednika.

U skladu sa Odlukom Parlamenta Federacije Bosne i Hercegovine, broj PF 01/6-02-813/22-1 od 28.07.2022. godine („Službene novine Federacije BiH“, broj 62/22), za članove Upravnog odbora Agencije imenovani su: Ivanka Galić, Samir Bakić, Ivan Brkić, Haris Jahić i Jasmin Halebić, također na mandatni period od pet godina.

U skladu sa članom 27. važećeg Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), a u vezi sa članom 7. stav (1) Zakona o plaćama i drugim materijalnim pravima članova organa upravljanja institucija Federacije Bosne i Hercegovine i javnih preduzeća u većinskom vlasništvu Federacije Bosne i Hercegovine, predsjedniku i članovima Upravnog odbora i u ovom mandatu, naknada za rad utvrđena je u skladu sa zakonom, i to: predsjedniku Upravnog odbora u visini dvije prosječne neto plaće isplaćene u Federaciji BiH u prethodna tri mjeseca, prema posljednjem objavljenom podatku Federalnog zavoda za statistiku, a članovima Upravnog odbora u visini od 80% od iznosa naknade predsjednika.

U pogledu preostalih informacija iz dostavljenog delegatskog pitanja, a koje se odnose na to da li su imenovani članovi Upravnog odbora bili zaposleni kao državni službenici - uposlenici institucija Federacije BiH, uključujući podatke o njihovom radnom mjestu i instituciji u kojoj su radili, ovim putem Vas informišemo da Agencija ne raspolaže traženim podacima. Naime, u skladu sa članom 18. stav (3) Zakona o Agenciji za bankarstvo Federacije BiH, članove Upravnog odbora imenuje Parlament Federacije BiH, na prijedlog Vlade Federacije BiH. Postupak izbora kandidata provodi nadležna komisija koju imenuje Vlada Federacije BiH na osnovu javnog oglasa i u skladu s propisanom procedurom.

S obzirom na to da Agencija nije nadležna za provođenje postupka izbora i imenovanja članova Upravnog odbora, niti učestvuje u prikupljanju ili obradi podataka o radno-pravnom statusu kandidata za članove Upravnog odbora u trenutku njihove prijave i imenovanja, predlažemo da se za tražene informacije obratite Vladi Federacije BiH, odnosno nadležnoj komisiji za izbor i imenovanje.

S poštovanjem,


DIREKTOR
Jasmin Mahmuzić

Dostaviti:

- Naslov
- a/a

